



Yangi O'zbekiston taraqqiyoti uchun birlashaylik!

asr IJTIMOYIY-SIYOSIY GAZETA

9-iyun 2022-yil 23 (969)



www.21asr.uz



@XXLasrofficial

Gazeta 2004-yil 1-yanvardan chop etila boshlangan

КОНСТИТУЦИЙВИЙ ИСЛОХОТЛАР

ЖАРАЁН БОШЛАНДИ: ОДАМЛАР ТОМОШАБИН ЭМАС!



Эсланг, 17 майда Олий Мажлис Қонунчилик палатасидаги О'zLiDeP ва "Миллий тикланиш" демократик партиялари фракцияларининг Ўзбекистон Республикаси Конституциясини такомиллаштириш масалаларига бағишланган қўшма йиғилишидан кейин – 20 майда Ўзбекистон Республикаси Олий Мажлиси Сенати Кенгаши ва Қонунчилик палатаси Кенгашининг мазкур масаладаги қўшма мажлиси бўлиб ўтган эди...

Нихоят жиддий жараёнга старт берилди ва мамлакатнинг турли нуқталарида, нафақат партиялар, балки барча давлат ва нодавлат ташкилотлари, жамоатчилик вакиллари, бир сўз билан айтганда, халқимиз конституциявий ислохотларга хайрихоҳ эканлиги билдирилаётган холис ва асосли таклифларда кўриниб турибди. Шу маънода О'zLiDeP Сиёсий Кенгаши

Ижроия кўмитаси, Олий Мажлис Қонунчилик палатасидаги фракцияси аъзолари ҳамда ҳудудий партия ташкилотлари, ҳуллас, бир миллиондан кўпроқ маслақдошларимиз, электоратимиз вакиллари бу борада фаоллик кўрсатишяпти. Биз кунлик ва ҳафталик рақамларни санаб ўтирмаймиз. Яхшиси, бугун партияимиз фракцияси аъзоларига сўз берайлик.

Давоми 2-саҳифада. ►►

КЕЙИНГИ СОНДА:

Собир САЙХУН, туркиялик ватандошимиз, 92 ёшда:

Ота-боболаримиз, бувижону оналаримиз Ватан, Ватан дея йиғлаб-йиғлаб дунёдан ўтиб кетишди. Мен эса сал кам бир асрни кўр-ялман. Аввало Оллоҳим, қолаверса, она тўғроқ соғинчи мени шундай табаррук ёшга етказгандир.

Аваллари сезилмасди, ҳозир англаяпманки, айримларга ота юрт, она ватан деб гапирсангиз, ўзини тушунмаганга олади. Гўёки бундайлар учун ер юзининг исталган нуқтаси Ватан. Йўқ, жигарим, аввало, сенинг авлод-аждодинг кўз очган, киндик қонинг тўқилган замин муқаддас ва тиллоларга топилмайдиган бойлик, десангиз истеҳзоли кулиб қўяди. Жаҳлим чиқади, тўғриси, ана шундайларни кўрсам. Булар роботга ўхшаган темирюрак кимсалар. Демак, билингни, ҳозирги одамларда ҳиссиёт ўлиб кетяпти, меҳр-муҳаббат сўниб борапти. Бу даҳшатли кўргилик эмасми? Эртага худди шундай тоифадагилар ота-онасини тан олмайди, керак бўлса. Бу битта миллат ё халқнинг фожияси эмас, аксинча, инсоният учун энг даҳшатли таназзулдир.



ОРОЛБЎЙИ МИНТАҚАСИНИ БАРҚАРОР РИВОЖЛАНТИРИШ ДАВЛАТНИНГ АСОСИЙ УСТУВОР ЙЎНАЛИШЛАРИДАН БИРИДИР

Ўзбекистон Республикаси Бош вазирининг ўринбосари – инвестициялар ва ташқи савдо вазيري Сардор Умурзоқов Бирлашган миллатлар ташкилотининг Ўзбекистондаги доимий координатори, Оролбўйи минтақаси учун Инсон хавфсизлиги бўйича кўп томонлама шериклик Траст жамғармаси Бошқарув кўмитаси ҳамраиси Роли Астхана билан учрашди.

Мулоқот чоғида Траст жамғармасининг донор мамлакатлар, халқаро ташкилотлар ва ривожланиш бўйича ҳамкорлар билан биргаликда олиб борилган фаолиятининг яқунлари, шунингдек, Оролбўйи минтақасида ресурсларнинг сафарбар этилиши ва манзилли лойиҳаларни амалга оширишда келгусидаги ҳамкорликнинг долзарб масалалари ва механизмлари муҳокама қилинди.

Хусусан, Жамғарманинг Техник котибияти томонидан баҳолаш натижалари сарҳисоб қилинган ҳамда Бошқарув кўмитаси ҳамраисларига тасдиқлаш ва молиялаштириш учун аниқ лойиҳа таклифларини танлаш бўйича тавсиялар ишлаб чиқилгани таъкидланди.

Шунингдек, Инвестициялар ва ташқи савдо вазир-

лиги билан биргаликда ишлаб чиқилган учта стратегик ҳужжатни бошқарув кўмитасига кўриб чиқиш учун юборишга қарор қилинди. Ушбу масалалар бошқарув кўмитасининг яқин кунларда ўтказилиши режалаштирилган 5-йиғилишида кўриб чиқилади. Жамғарма маслаҳат кўмитасининг навбатдаги йиғилиши ҳам ўтказилади. Бу, ўз навбатида, белгиланган вазифалар доирасида юзага келаётган барча масалаларга аниқ ечимларни ишлаб чиқишга имкон беради.

Учрашув чоғида жорий йил кузида Ўзбекистонда юқори даражадаги Биринчи Оролбўйи халқаро форумини ўтказиш билан боғлиқ масалалар ҳам кўриб чиқилди. Форум кун тартибига Ўзбекистонда "яшил" иқтисодиётни янада ривожлантиришнинг истиқболли ечимлари, БМТ Бош Ассамблеясининг Оролбўйи минтақасида экологик инновациялар ва технологиялар зонасини ташкил қилиш тўғрисидаги резолюциясини ҳаётга жорий этиш чора-тадбирлари киритилган. Бундан ташқари, минтақанинг барқарор ривожланишига йўналтирилган лойиҳаларни амалга ошириш учун ривожланиш бўйича шериклар билан инвестициявий шериклик алоқаларини ўрнатиш механизмларининг муҳокамаси ҳам жой олган.

Томонлар тadbир концепциясини ҳамда ташкилий ва мазмунига доир барча масалаларни ишлаб чиқишни тезлаштирилган тарзда яқунлашга келишиб олди.

ЎЗА



БУҒДОЙ БАҲОСИНИ БОЗОР БЕЛГИЛАЙДИ

3с.

КўП ҚАВАТЛИ УЙЛАРНИНГ КўП ҚАВАТЛИ МУАММОЛАРИ

6с.



КўЧМАС МУЛК БУЗИЛАДИМИ ЁКИ ЙЎҚМИ?

4с.

БОҚИМАНДАГА БАЛИҚ БЕРДИК...

6с.



